



PORTA-VOZ
V GOVERNUN
KONSTITUSIONÁL



KOMUNIKADU
BA MEDIA

Loron 3 fulan Maiu tinan 2014
Dili, Timor-Leste

g7+ ne'ebé Timor-Leste prezide apoia G20 ne'ebé Austrália prezide iha ninia kompromisu atu tulun nasaun sira ne'ebé iha hela dezvoltimentu nia laran iha matéria fiskál

Timor-Leste maka sai hanesan presidente g7+ nian, ne'ebé kompostu husi Nasaun frájlil no afetadu husi konfliktu hamutuk 18 inklui 24% husi Estadu Afrikanu sira. Ba dala uluk iha istória maka nasaun hirak ne'e iha lian globál no ida de'it hodi ema hamutuk millaun 1,5 ne'ebé moris iha situasaun konfliktu no frajilidade nia laran. Estadu membru sira husi g7+ no sira nia parseiru dezvoltimentu sira, inklui Austrália, aprova ona "New Deal" ida iha tinan 2011, iha Fórun Nível Aas Dahaat ba Efikásia Husi Ajuda, ne'ebé hala'o iha Busan, iha Repúblika Correia. *New Deal* ne'e define área prioritária sira ba dezvoltimentu hamutuk lima, ho título Metas sira husi Konstrusaun Pás no Estadu nian, inklui rejime fiskál hirak ne'ebé sólidu, sai hanesan prioridade fundamentál ida ba g7+ ba konstrusaun Estadu reziliente no auto-sufusiente sira.

G20 representa 85% husi PIB mundiál no liu husi 75% husi komérsiu globál. Membru sira G20 nian mai husi nasaun oinoin no inklui, Argentina, Austrália, Brasil, Canadá, China, França, Alemanha, Índia, Indonésia, Itália, Japão, Repúblika da Correia, México, Rússia, Arábia Saudita, África do Sul, Turquia, Reino Unido, Estados Unidos e União Europeia. G20, ne'ebé Austrália prezide, iha mós área fiskál hanesan área ida husi área prioritária sanulu ne'ebé iha.

Iha fulan Feveireu, G20 reafirma sira nia kompromisu globál iha:

- 1. Aborda evazaun fiskál, liuliu, erozaun husi baze tributária no transparénsia kona-ba lukru atu garante katak lukru hirak ne'e tributadu iha fatin ne'ebé atividade ekonomia nian ne'e hala'o bá.**
- 2. Promove transparénsia fiskál internasionál no partilla globál kona-ba informasaun atu kontribuinte sira ho investimentu *offshore* kumpre sira nia obrigasaun fiskál doméstika sira.**
- 3. Garante katak nasaun sira ne'ebé iha hela dezvoltimentu nia laran hetan benefísiu husi agenda tributária G20 nian, liuliu iha relasaun ho fahe informasaun ba malu.**



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leste.gov.tl

Iha Cidade do México, iha fulan kotuk, hala’o ona Sorumutuk Nível Aas Dahuluk nian kona-ba Parseria Globál ba Kooperasaun ba Dezenvolvimentu Efikás (GPEDC, iha lian Inglés) GPEDC sai hanesan marka boot ida iha mudansa husi “ajuda” ba “kooperasaun”.

Ministra Negósius Estranjeirus Austrália nian, Julie Bishop, representa G20 iha diskusaun plenária ho tema “Parseria ba Tributasaun Efetiva no Mobilizasaun Nasionál ba Dezenvolvimentu”. Tema ne’e inklui dokumentu baze nian ida ne’ebé temi katak “presu husi transferénsia ne’ebé la conveniente, maske la’os ilegál, bele representa gastu significativu ida bainhira transparénsia no responsabilidade internasionál nian tenke loke luan liután. Inkluzau ida ne’ebé koerente no konsistente husi nasaun kiak sira iha debate no desizaun sira agora importante iha agenda fiskál no dezenvolvimentu nian nia laran”. Julie Bishop afirma katak reforma sistema tributasaun nian ne’e sai hanesan área prioritária xave ida tanba nasaun sira ne’ebé mak iha hela dezenvolvimentu nia laran balun lakon reseita barakliu ho evazaun fiskál duké husi buat ne’ebé sira simu iha ajuda husi rai-li’ur.

Diskursu Julie Bishop nian hala’o tuir fali diskursu husi Xefe Tezouru Australianu, Joe Hockey, representa G20 iha Banku Mundiál iha Washington iha ne’ebé nia refere katak “agora mundu tomak la satisfeito ho rezultadu fiskál sira. Ita presiza hatene duni katak laiha falla entre ita ninia sistema fiskál sira no atu hatene loloos katak interkámbiu informasaun fiskál hala’o ho forma naturál. Solusaun sira tenkesér globál”.

Timor-Leste, ne’ebé prezide g7+, sente satisfeito ho observasaun husi representante australianu sira husi prezidénsia G20. Tanba dadaun ne’e Austrália no Timor-Leste daudaun ne’e iha rekursu ne’ebé sira fahe ba malu iha Tasi Timor ho fluksu reseita ne’ebé boot, Timor-Leste apoia proposta atu hahú no dezenvolve hamutuk estudu ba kazu ida kona-ba partilla informasaun fiskál sira no auditoria. Estudu ida-ne’e inklui planu asaun ida entre g7+ no G20 ne’ebé sei apresenta iha sorumutu G20 nian ne’ebé sei hala’o iha fulan Outubru iha Brisbane, iha Austrália.

Ministru Estadu no Portavós Governu Timor-Leste nian, Ágio Pereira, hateten katak “ida-ne’e hanesan tinan simbóliku ida iha ne’ebé Austrália, hanesan presidente G20 maka representa nasaun sira seluk ne’ebé dezenvolidu liu, no Timor-Leste, nu’udar presidente g7+ ne’ebé representa nasaun sira ne’ebé vulnerável liu, sira bele define padraun foun ida no presedente ida kona-ba envolvimentu internasionál ne’ebé di’ak iha matéria fiskál, ne’ebé bele utiliza iha ita ninia esforsu hamutuk atu hetan parseria globál hirak ne’ebé eficiente no efikás liu ba kooperasaun ba dezenvolvimentu”. **FIN**



Ágio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl